

旅大文獻徵存卷三目錄

戰爭

陳祐陷金州

元兵犯金州

倭寇望海窩

東江援遼之戰

水師剿除海寇

英船停泊海口

官船圍攻海洋島

中日甲午戰爭

文三目錄

金州副都統幕王君死難記

甲午中日戰爭旅順屠殺事實

日俄關係之爆發

中國宣告中立

戰事區域之劃定

日俄兩軍陸戰

日俄兩軍海戰

日俄樸資茅斯會議

旅大文獻徵存卷三

金縣孫寶田編纂



戰爭

陳祐陷金州

遼東志云元順帝至正十一年公元一三五一年三妖賊淮安陳

祐以紅巾為號自登州渡海陷金州樞密同僉老嫗以

兵擊走之復渡海還山東十九年賊將關先生破頭潘

董太歲沙劉兒引兵自開平全寧陷大寧懿州路並海

蓋復金四州及遼陽路殺掠逃竄殆盡

元兵犯金州

文三

一

明洪武四年

公元一三七一年三

以馬雲葉旺為都指揮使由登

萊渡海屯兵金州招降元參將葉廷秀攻走平章高家

奴完城繕兵一方遂安洪武八年十二月元太尉納哈

出寇遼東馬雲令蓋州衛指揮吳立張良佐等嚴兵城

守元兵知有備越蓋州城迤趨金州圍其城時城池未

完指揮同知韋富

原袁州衛指揮同知

指揮王勝

原贛州衛指揮僉事

督勵

士卒樹柵補城分守諸門敵蟻附欲登富令城中男女

以瓶盛沸水於城上擲之著人無不靡爛敵驍將乃刺

吾

清一統志作蘇刺固

率精兵數百挑戰城下中伏弩仆獲之富

縱兵追擊納哈出遂北遁至孛蘭鋪

今普蘭店

遭到金州別

部軍隊之截擊倉皇走出抱龍山今店瓦又受到復州軍
迎擊納哈出僅以身免
倭寇望海塢

明永樂九年倭寇侵擾浙江廣東十年侵擾山東十四
年攻掠江蘇山東其中尤以山東倭禍為最烈永樂十
五年派使者呂淵至日本質問足利義持勸其恢復貿易
足利氏答云海寇旁午故貢使不能上達其無賴鼠
竊者實非臣所知推却却責而侵掠愈甚竄擾竟到遼
東先是永樂十四年公元一六六年為加強海防在遼東設
金州旅順口望海等塢七衛望海塢距金州城東七十里

文三

二

在金線島西北為濱海地帶之咽喉乃倭寇犯遼東必
經之地遼東總兵官中軍左都督劉江巡海至金線島
時望西北海塢上地特高廣詢悉為洪武中都督耿忠
築堡備倭屢疏請築城堡置斥堠守備綦嚴十七年
四月十四日瞭者報東南海島中有火光出現江急引
兵赴塢上設伏備戰倭船三十一艘至馬雄島即王家島明太
宗實錄作登岸奔望海塢寇魚貫而行一酋面目猙獰
勢頗銳江不為動遣都指揮徐剛簡銳卒伏山下都指
揮錢真等率馬隊要其歸路百戶姜隆率壯士潛燒倭
船寇至剛率步兵迎戰佯却賊入伏中舉旗鳴砲伏兵

盡起分兩翼夾擊自辰至酉賊大創走入櫻桃園空堡
中江引兵圍攻故開西壁縱之賊急走出復張兩翼夾
攻盡剽無遺其有逃到海濱者又為焚舟卒所縛是役
也倭寇二千餘人無一得脫者終明之世不敢再犯遼
東

東江援遼之戰

此段分兩段叙之自天啟元年至崇禎二年為平遼總兵毛文龍與建州兵戰爭之期見管葛山人山中間見錄自崇禎三年至六年為東江總兵黃龍與叛將孔有德李九成耿仲明等奮鬪之時見苗需平叛記原書有誤處附以訂正

天啟元年公元一六二一年五月建州兵既破遼陽悉甲屯河
東以固廣寧分兵徇南衛龍破金州諸衛望風款附即

文三

三

以畔將統諸城楊于渭守蓋州游擊單蓋忠守復州守
備劉愛塔守金州佟養真守鎮江把總周永祚以兵八
百騎兵海上敵謀已急我兵未集炒花撫賞未至黃
泥窪虛無人焉誰為禦之宜急發諸道援兵出關為戰
守命山東天津撫臣舟師移防河口及旅順以慰南衛
之心牽建人之慮庶紓危遼之禍也錢塘人毛文龍
機辯有口才王化貞劄署海擊將軍使統兵二百探河
東五月文龍自公河南泛海島得遼諸生王一寧島民
李景先居廣島為導行連雲猪島給店石城長山色利章
子海洋十餘島撫定島民數千人畔人胡可賓何國用

等方奉畔將命令市牛徵粮於各島勒取寡婦閨女送
遼陽屯民怨刺骨文龍至爭迎王師收斬可賓國用等
奪其舟還所掠婦女 七月文龍進次朝鮮弥串堡叛
將佟養真遣兵四出鈔戮黃幣奴山歸正屯民鎮江空
虛文龍潛通鎮江士民及養真部曲為內應五更入城
內外合兵殺養真子佟豐年擒養真收復鎮江衛軍四
百人文龍遺書于渭蓋忠愛塔勸反正蓋忠遂歸款四
衛士民以為大兵至踴躍趨附見文龍兵寡無繼稍引
去因乞援於朝鮮巡撫王化真俘獻養真於朝請發兵
援鎮江 滿洲實錄載天命六年二月二十日鎮江中軍
陳良策與民潛通故明海島大將毛文龍令堡

文三

四

外民的喊詐言敵來城中人聞之皆潰良策乘機執城
守游擊佟養真殺其子佟豐年并從者六十人殺投毛
文龍其湯站險山二堡民亦執守堡官陳九階李世科
以叛帝聞之命四王二王率九尔固齊總兵副參等官
領兵三千遷鎮江沿海居民於內地命 已未二建州
大王三王領兵二千移全州民於復州

盡徙諸堡屯民出塞以其部落分屯開鐵遼瀋驅屯民
男女二十萬北行男子不得挾貲婦女不得纏足道死
相屬聞鎮江兵變寄所掠二十萬象於海州城下勒兵
東行更以劉愛塔為總兵總督蓋復海三衛單蓋忠聞
建人將至收復州丁壯五萬人入長山島建人縛梓追
之覆溺殆半迺止 乙丑六廿參將王紹勳令水師赴鹿
島浪山招渡遼民 丙寅七廿文龍遁入朝鮮 滿洲實錄
載天命六

年八月帝聞毛文龍兵渡朝鮮義州城西鴨綠江入島
中屯田命正白旗固山副將楞額禮鑲黃旗固山游擊
兼副將事武善領兵一千往敵之於途中復一謀者詰
之告曰晝則渡江入島夜則領兵過江宿於義州西岸
楞額禮連夜領兵潛於山僻處前進遂隱伏至天明料
明兵已渡江遂縱兵前進明之偵探未及舉砲傳烽楞
額禮即渡夾江突至其島明國將士大驚侯拋戈潰走
楞額禮等於陸地掩殺五百餘人其餘爭入舟墜水皆
溺死楞額禮等
盡焚其糧而回
入島上
八月以王紹彭為鎮江副總兵毛文龍為參
將屯義州鎮江聯合南衛東山圖進取未數日而敗書
至化貞初聞南衛民屯聚鐵山敵兵仰攻者多殺傷更
遣其子調兵於遼陽以八千人持一月糧往蓋州攻圍
鐵山化貞謀嚴海州以紓鐵山之圍不果敵以精騎八

文三

五

千屯黃泥

窪

以昏兵

昏兵兵之有妻者

八十屯海州皆無馬匹更

以甲騎三十屯牛莊為之聲援 天啟二年壬戌四月

以毛文龍為平遼副總兵王一寧為登萊監軍通判贊

畫文龍軍務 八月毛文龍遣部將陳忠嚴擊櫻桃塌

湯站以捷聞 天啟三年二月建州將復州總兵劉愛

塔使金應奎輸款於登萊請以復州內應巡撫袁可立

使總兵沈有容以舟師赴島上与文龍連兵應之 四

月建人聞舟師集海外恐金州被嚴盡收沿海兵民赴

復州 五月愛塔復使人期以六月己卯十二夜取復州

愛塔部將備禦王丙貪暴愛塔揭之敵縛丙去丙因發

愛塔內應事建人發兵三萬圍復州執愛塔去屠復州
空其城並驅永寧蓋州人民北去棄南衛膏腴地四百
里麻洋島守備張盤同守備程鴻鳴以舟師出青山嘴
渡金復遺民四千人俱裸體不蔽形盤簡壯丁千餘為
兵令刺探島山金州距海城高池深土肥饒南至旅順
口百十里形如壺盧城南二十里兩崖距海中橫山脊
闊僅百步築關守之屯船聚糧可耕可守進圍蓋復西
通廣寧為登津門戶 七月張盤偵金州止敵兵五百
瞭守辛卯^三初勒兵以島民為導登岸晝伏夜行三更傳
城鳴礮咆哮敵兵開城北走我師入據之搜糧丁家寨

文三

六

得穀三千石火藥五百斤銃礮千餘盤遂守金州 毛
文龍自滿浦昌城襲擊甜水站以捷聞請饒命以漕糧
十萬石給島帥 毛文龍以兵萬人進攻晾馬甸奪獲
牛馬復合兵三萬攻牛毛寨斬首二百三十生擒四人
獲馬九十四時謀^敵將集兵渡河文龍因進兵先後奏捷
十月壬辰^{初五}日守備張盤偵復州滿丁淫掠弛備以
兵夜半入復州滿丁驚竄遂克永寧堡建人益兵攻盤
盤以兵寡潛出城伏山間敵兵入伏發圍之斬獲無算
因遁去城空糧盡退屯旅順三山海口得失風南船腐
米菽千餘石兵民賴以濟 戊申廿文龍遣謀入遼陽

偵建州以兵自老寨至遼陽會畔將佟養性柯汝棟共
圖西犯謀者往遼三日拾天命大錢以歸 閏十月毛
文龍請給饗銀百五萬招練遼兵五萬文龍集島師自
自千家口冰口方山鎮江寬奠驪陽鳳凰城並進 十
二月建州畔將金重德注平鹿邀殺遼人南歸者屠戮
滿道癸亥毛文龍以除夕輕兵罷之擒重德 天啟四
年甲子正月丙寅^三建人以萬騎攻旅順堡張盤拒守
不能拔遣使招盤盤斬其使火藥將盡盤開堡出伏兩
山間建人入堡伏起夾攻大敗引去 辛未^八初毛文龍
以兵罷攻高嶺沙松牌俘滿丁大柰斬獲級馬 癸酉

文三

七

^十初大學士孫承宗赴寧遠大賞虎酋諸部文龍以三戰
首級三百七十一來獻承宗以首級示虎酋諸部落已
而文龍復遣使獻地骨寨骨皮峪分水嶺三戰三捷俘
獲二十斬首四百五十 文龍復奏曰自去歲有牛毛
寨再捷烏雞之捷今春夏有金州官屯上下把官寨藍
堡妙家峪甜水站高嶺復州海州刀兒嶺驪陽柴皮峪
分水嶺橫頭寨俺班勃烈寨諸捷復地自金至永寧旅
順岫巖蓋州以及清河寬奠驪陽湯站鳳凰城并鎮江
一帶千有餘里先後斬首七百二十六級乞念海外血
戰將士加職以示激勸 七月乙酉^二初建州主移文毛

文龍議和李永芳移文龍書言在遼族屬盡行優禮誘
文龍同叛文龍獻永芳書并所使以聞詔加文龍左都
督賞大紅蟒衣一襲銀五十兩 八月建人破金州平
夷其城張盤退保旅順 十月甲午建人陷旅順游
擊將軍張盤朱國昌死之初登撫議金州南至旅順口
百三十里三面距海北面狹而東東西距十里鑿斷其
地引海水以自固沃壤三百里可屯而守張盤駐旅順
朱國昌駐長行島曾有功屯三山島三將具版築興工
敵騎猝至盤被執國昌陣歿曾有功不至敵遂屠殺旅
順游擊林茂春邀其歸路擒斬數級兵科給事中陸文

文三

獻劾毛文龍輕信曾有功登帥楊肇基不能救援旅順

天啟五年乙丑三月遣太監王敏政胡良輔齎詔諭寬

服冊封李侗為朝鮮國王

天啟三年二月十三日朝鮮
陵陽君李侗弒其君李暉而

自立朝臣請討之魏忠
賢請封之至於乃封

道經皮島賜毛文龍詔書大紅

蟒衣一銀百兩賜從征將士銀四萬蟒衣膝襪紵絲百

二十登萊巡撫武之望遣部將張攀守旅順 五月丙

寅九毛文龍遣所部張繼善盡撤殘兵驅旅順遺民遂

與登撫相許奏已而文龍獻析木城之捷功首級百二

十俘建人三十一中途逃其二文龍更遣人至廣鹿島逸

其六以去登撫武之望給事楊文岳文章劾文龍中

天啟六年三月毛文龍以八會寨之捷獻所俘獲兵科
給事中薛觀功劾文龍僻處東江屢誇牽制今建人而
犯寧遠已經三月文龍不知尚復誇張零捷以欺朝廷
上諭兵部文龍遠駐東江不能牽制還酌量要害以便
策應 五月毛文龍會安堡生擒三十六拔遼民千
三百人以歸 七月毛文龍奏兵部劄付敵犯寧遠三
月臣尚未知西彌島去敵二千里遠不相救令臣審處
臣去年十月塘報敵燈節前後必大舉入犯右屯等處
經略得報令道鎮預為料理臣先為寧遠戰守計矣正
月己未^{三十}雲從山發兵甲子^{十二}沿海深入威寧營海州

文三

九

皆有擒斬敵遂掣回慮寧遠全軍追逐不得不為緩兵
之計臣所駐西彌島三山相連廣二百里中雲從山前
西彌島後真珠島雲從至鐵山八十里水程則三十里
雲從西彌至義州百六十里鐵山水道亦如之義州鎮
江相對僅四里鎮江至遼陽三百六十里鐵山西彌去
敵寨在五百里內誰謂二千里也已而敵衆東侵島師
敗之於大石門嶺七道河擒斬七十二 八月壬寅^初
旅順守將李鏞貪淫不法為人所訟毛帥拘攝對簿鏞
將家丁縱火奪船逃去 天啟七年丁卯正月上台督
師王之臣還朝命薊遼總督閻鳴泰有警赴關應策命

太監胡良輔苗成金捷郭尚禮鎮守海外駐紮皮島發
御前銀五萬兩通袖膝襪二百五色布四百發煩九安
邊虎蹲砲各六十佛郎機四十三眼槍五百盔甲五百
苗刀二百刀六千矢萬單鈎槍百鉛子三萬火藥二千
斤赴皮島 庚辰^{十四}汗^{即清}以兵八萬來攻文龍前
鋒俱衣麗人衣麗人導之盡殺沿途撥夜六王子將兵
四萬圍鐵山執都司毛有俊有俊自刎兵民逃潰都司
劉文舉戰死大王子將兵四萬圍雲從毛文龍馳守關
口令都司毛有見毛有德以兵三千援皮島令東江都
司毛永顯以兵千人援宣州建人營關口有見有德分

文三

十

道迎敵槍砲擊殺數百人建兵並進有見有德戰死喪
師七百人 壬午^{十六}王子自鐵山至与大王子合兵
攻文龍相持關口 癸未^{十七}降人二千三百人縱火焚
關出我師潰喪數千人潰兵渡江走文龍以三百人走
海上糧絕掠客舟豆麥以糊口 毛永顯援宣州聞建
人將至奪民船載家口棄師西遁兩王子退屯宣州以
失文龍殺麗人之為導者麗人懼薙髮歸服 丙戌^{十二}
兩王子攻下郭山殺麗人六萬焚其糧百萬石殺義州
第度使進攻安州文龍收集鐵山宣州殘兵夜走出間
道檄滿浦昌城兵會於安州糧絕殺牛馬為食 二月

已亥^{初三}皮島師潰參將高萬重劫島上軍民財物子女
滿載逃去都司馬承勛以兵六百陸行西遁 朝鮮請
援師旨諭兵部嚴人導敵入境固自作孽但屬國不支
折而入敵敵勢益張亦非吾利傳諭文龍相機應援無
懷宿嫌致悞大計 袁崇煥出師援東江令趙率教將
左輔朱梅諸軍進逼三岔河水陸並進崇煥駐寧遠令
滿桂出關駐前屯策應 建人自朝鮮撤兵還潘毛文
龍罷之於義州三戰三捷 六月辛丑^初詔斬東江逃
兵李鑽李鉞鄭繼奎鄭繼武高應詔於島上 太監胡
良輔請移鎮長山詔諭良輔皮島孤懸不便建閘廣庶

文三

十一

牛島襟帶登津路~~通~~敵腹可以聯絡屯種毛文龍移鎮
長山其皮島舊鎮加毛承祿副總兵以偏師駐被用張
犄角 七月袁崇煥稱兵乞歸以王之臣督師出關駐
寧遠 崇禎元年戊辰正月壬申兵部請移毛文龍之
師於蓋套詔下廷議 癸未發帑金三十萬分給東江
宣大三鎮 三月督師王之臣謝病歸復召袁崇煥為
督師薊遼兵部尚書移駐關門 壬申毛文龍奏建州
可可孤山馬秀才等五人至皮島議款 七月東江島
帥進止不聽於督撫廷臣藉藉憂之朝退大學士錢龍
錫以問崇煥崇煥曰文龍可用則用之否則處之無難

也 癸未賜表崇煥尚方劍

為殺毛文龍張本

十月島帥毛

文龍擁兵海外多縛遼民為俘馘恒大言能以偏師搗

敵穴每罪登津無策應朝議為之易登撫

天啟五年十月改登撫

武之望為南京兵部侍郎以與島帥不和故也文龍跋扈不聽節度糜本折鑲

皆數十萬朝臣憂之顧未有以更置也文龍開府島上

饒金錢臨險趨利之士趨海島如鶩刺中朝得失多市

江南然錦綉繒藥貿易於朝鮮朝鮮苦饑矣 建兵

渡海攻文龍文龍兵潰走先上書告變委罪麗人之句

敵李倧上書自訟帝降詔慰倧 崇禎二年己巳春文

龍擁舟師掩至登萊旌旗蔽海上登人以為建兵至皆

文三

十二

大驚文龍檝舟天妃廟焚香而去廷議益沸騰袁崇煥

自任能易置島帥可清餉數十萬代以他將易於指臂

使 三月崇煥請設東江饌司於寧遠自覺華島轉饌

東江禁登萊商舶入海毛文龍累奏不便崇煥不聽又

奏請自往旅順議定 初毛文龍稱島兵二十萬姜日

廣王夢尹閱視島上言可五萬登萊道王廷試復裁之

定額二萬八千人文龍甚不平 五月文龍遂上書請

饌 六月袁崇煥勒兵巡沿海屯堡渡海至雙島入文

龍軍中燕累日臨發文龍謁謝崇煥置酒大宴文龍將

吏陰令參將謝尚政伏兵席間執之數文龍十二罪斬

之下令軍中曰奉詔斬冒饗飾功不受節制者止文龍一人偏裨以下各如故諸軍懾服不敢動分其兵得二萬八千以文龍子承祚并副參二將陳繼盛徐敷奏領之令游擊劉興治守皮島与文龍故部曲相參用送其妻某氏歸浙迺還因上章自劾顯殺大帥舉朝盡驚上召問閣臣韓爌等請降詔慰崇煥一如其所更置因宣諭海島將士 崇煥既斬文龍因增置水師市馬崇煥東江一鎮迺率制所必資今加增餉銀十六萬兩歲需餉四十二萬兩米十三萬六千石上覽奏內兵減餉增顯以爲疑 十一月建州兵越薊州而西崇煥懼急引兵入衛京師營廣渠門外都人驟遭兵怨謗紛起謂崇

文三

十三

煥縱敵擁兵朝士誣其引敵脅和將爲城下之盟會建人設間謂崇煥密有成約令所獲宦官知之因縱去其人奔告於帝帝信之十二月再召對遂縛下詔獄大壽在旁戰栗失措出即擁兵叛歸 三年八月磔崇煥於市天下寃之崇煥妄殺文龍帝又悞殺崇煥自崇煥死遣事益無人明亡微決矣 四年十一月參將孔有德叛初東江劉興治作亂屠皮島皮島舊副總兵張燾与興治內戚沈某合謀圖興治未發會登萊巡撫孫元化薦參將黃龍都督僉事鎮守東江至島興治遂叛去元化以兵部督援急迫命參將孔有德等從海上以三千人赴之有德遭颶風幾死迨歸復

命促從路有德不勝怨望屯鄧平月餘進至吳橋亦變

此三條見東江遺事所載袁崇煥傳及毛帥東江按平叛記云崇禎四年辛未冬閏十一月二十八日登州援

凌將士李應元等叛於吳橋起謀者有應元之父九成矣同事者有應元之帥有德矣以城應者有耿仲明陳

光福等入回戈東指大肆搶掠破齊東圍登萊所過無遺五年五月二十九日東

江大帥黃龍帥師復登州不克而還冬十月監護太

監高起潛遣萊州營參將白來譽千總毛英守黃城島

東江大帥黃龍亦遣龔正祥守之賊攻黃城島副將龔

正祥參將白來譽被擄千總毛英死之十一月初三日

日殺賊首李九成於陣按崇禎六年黃龍咨朝鮮六

年二月二十二日賊襲旅順東江大帥黃龍禦之順

文三

十四

自陳有時叛後東江大帥黃龍即移鎮其地練兵蓄士為

固守剿叛之計賊多方招之不可得又執龍母妻及子以

賜之龍堅不顧至是有德擁眾數萬二月十三日孔

棄島東遊竟圍旅順龍帥兵禦之

有德遂去無賊中之食殺人為糧熬人為爛朝不謀夕終

集共議以川兵二千土兵一千彘丁五百往奪長山廟

守島我兵見十六日耿仲明毛承祿夜遊我兵入大

城三月十六日舟師焚賊龍王塘老營賊圍旅順結

堂有德自率精銳屯雙島時周文郁所將舟師單弱僅

龍武左右兩營乃偽立丙丁二營火器一營招練一營

彘丁百人更番出哨夜分布各艘唱彘歌遠人能彘唱

者和之賊聞之謂我營中皆彘丁也是日遣將焚賊老

營十八日舟師敗賊於雙島擒叛將毛承祿賊雙島

浮屍蔽海而下賊知老營燬乘風遊去追擊二十三

日追賊至三山島 二十四日追賊至廣鹿島 二十

九日追賊至黃骨島擒偽副將蘇有功斬李應元於陣

先後焚獲賊舟四十餘艘獲偽副將蘇有功都司陳光

福及旗鼓參謀等官四十餘人賊千餘婦女尤多斬李

應元於陣有德幾獲而復逸有功擒有德悉眾出戰敗走

中聞見錄云崇禎五年十一月孔有德悉眾出戰敗走

撫軍朱大典令旅順島帥黃龍邀擊之生擒賊將王秉

中毛承祿陳光福蘇有功斬李應元田良祚俘千餘人

惟記所載相逸去五月 叛將子島西北阻江西南控制諸島及旅順鼓煽

叛將子島西北阻江西南控制諸島及旅順鼓煽 夏四

月初十日敗賊於卓山 偽都司等官三十六人 十三

日敗賊於蘇垞 先是副將周文郁檄朝鮮兵遏賊要路

自點來會師合兵攻賊於蘇垞鮮兵巡使維君興金

戰皆大捷仲明害遣偽官乞降請修築南關復金州以

自贖黃龍弗許要擊之有德仲明乃由西北遁十七日

孔有德耿仲明降於建州。山中聞見錄云崇禎六年

癸酉正月孔有德耿仲明連踪至旅順說旅順守將尚

可喜共降於建州三月孔有德耿仲明尚可喜自蓋州

請降於建州四王子大 七月朔建州兵同叛將孔有

喜慶三將於舊遼陽 德尚可喜等組織馬步兵萬餘人嚴旅順東江大帥黃

龍與部將李惟鸞尚可義項祚臨張大祿樊化龍等率

領兵丁奮勇抗戰相持十餘日終因眾寡不敵矢石俱

盡龍等自刎於黃金山下旅順竟於是夕失守此崇禎

六年七月十日夜間事也 劉含芳顯忠祠而旅順人民

男婦老幼五千五百零二人均被敵兵捉去充當奴隸

矣 十年丁丑二月壬申 初清人 崇禎九年丙子建州

文三 十五

改元自雲從島至鐵山招皮島總兵沈世魁不應戊寅

崇德初陷皮島 五月壬午十島兵殺副使王孫茂副總兵

白登庸走降於清 山東通志云崇禎十年夏四月清兵克皮島副總兵金日觀力戰死之。

金州志 纂修稿云天聰三年命漢軍正白旗三等男爵石廷柱率兵剿明故島帥毛文龍所屬諸島

水師剿除海寇

雍正間海寇劫奪商船及各島居民財物旅順水師營

官船巡海隨時剿除 見金州志 纂修稿

英艦停泊海口

咸豐十年六月 公元一八六零年七月 英吉利戰艦停泊於青泥

窪大孤山各海口測繪海圖英將古蘭德指揮在大孤

文三

十六

山澳上陸威脅金州城及聞北京和約議成始退去

官船圍攻海洋島

同治初金州城東皮口夾心子人高希恬因其父進文

被土豪周馬虎等刺傷斃命希恬年方十六欲為父復

仇稟官不究乃毀家聚眾執周馬虎剋心祭靈官署逮

捕屢抗官差因調奉天旗兵及登州旅順戰船向海洋

島追捕適天降大霧希恬得以遁去不知所終

按海洋島在金州東海中与岫巖近向來金岫兩州

皆不管轄荒曠已久自高希恬逃入此島始發現之

光緒間日清日俄兩役日本海軍佔為臨時根據地

中日甲午戰爭

據諸家記載
與父老傳聞

光緒二十年公元一八八六年甲午四月因朝鮮引起中日戰爭清廷以軍事外交責成北洋大臣李鴻章而鴻章主和不主戰希圖列強調停以致觀望延遷遺誤戎機當戰事將起聶士成建議趁日軍未發之前以大兵渡鴨綠江口據守平壤更以海軍扼仁川港使日軍不得長驅直入此先發制人之計勝負未可料也乃鴻章竟以主和之一念而奪其議迨九月十五日陰曆八月平壤失守日人發動攻鴨綠江同時在其廣島集兵派陸軍大將大山巖為第二軍司令官率領聯合艦隊司令官

文三

十七

海軍中將伊東祐亨第一師團長陸軍中將山地元治第二師團長佐久間左馬太混合第十二旅團長少將大川好道第一旅團長少將乃木希典參謀長大佐井上光等三萬餘人分三批開往金州登陸十月二十三日敵人在聯合艦隊護衛下第一批陸戰隊到貔子窩東之花園口於二十四日午前五時開始登陸二十九日第二批陸戰隊繼續開到前後經過十二天全部登岸敵軍在花園口登岸當時有漁民報告貔子窩駐軍有三十多隻外國兵船來到花園口外捉中國漁船營官榮安立派馬隊偵探敵情由哨長黃興武捕獲

敵探鍾崎三郎審問出日軍已有萬餘人登陸向金州
城大連灣進攻抄襲旅順後路又在貔子窩捕獲敵探
山崎羔一郎在曲家屯捕獲敵探藤崎秀由營官押送
至副都統衙門當即馳電盛京將軍裕祿旋得回電在
西門外正法 此時鎮守金州等處副都統連順只有
步兵一營騎兵兩哨由營官榮安帶領遙受盛京將軍
節制城內旗兵僅洋槍隊二百人抬槍隊百人而已駐
防大連灣淮軍統領趙懷業有步兵六營且多新式槍
砲連順聞驚躬赴大連灣跪求懷業出兵抗敵而懷業
不允正定總兵徐邦道帶領馬步三營赴援平壤路過

文三

十八

金州因平壤已失留此堵禦邦道聞敵軍至往見營務
處督辦龔照璵謂金州若失則旅順難守与其坐失戒
機不如先發制人請分旅順屯兵十五營擊之照璵以
為然諸將却之邦道自率所部行復見懷業請求分兵
援金州懷業仍不允且云吾奉李中堂之命看守大連
灣砲台不營後防戰事邦道憤然率兵擊敵屢挫敵鋒
雖屢向懷業一再乞兵應援懷業不但按兵不動且親
自督役兵丁搬運餉銀什物送往烟台遣其妻孥先行
準備潛逃 十一月一日連順知淮軍不可恃電台在
淮軍營裡不便拍發乃修書致盛京將軍裕祿陳述苦

衷及徐總兵孤軍無援情況金州危在旦夕懇速派一
將領主持戰事以保金州遣幕友王君於昏夜中馳往
瀋陽王君向土城子出發行至李家屯北山坡上遇敵
兵騎馬中彈被俘敵隊長齋藤德明少佐用殘刑拷問
寧死不屈敵人從其懷中搜出信件王君頭撞石牆而
死詳見金州副都統
幕王君死難記十一月三日陰曆十月
初六日晨敵兵
已到亮甲店向衣家屯侵入楚軍右營營官率親兵與
前右兩哨步兵進夏家溝準備迎擊並左哨四個分隊
由隊長童福霖領到大赫山東防守右翼外圍以防敵
軍側襲適有敵偵探隊十人由其小隊長小崎正滿少

文三

十九

尉率領在大赫山巔唐王殿石城上察看我軍防禦情
況在地圖上標誌記號訖轉回到松樹溝西嶺上童福
霖軍隊發現有敵人偵探立即佈置口袋形包圍圈將
抬槍隊埋伏正面洋槍隊分開左右兩山坡上刀矛隊
位於山溝裡敵人進口袋中兩騎中彈而倒餘騎向坡
東轉去我軍洋槍隊開火敵人又向回轉往返數次擊
斃六人俘虜三人小崎正滿逃走四日陰曆十月
初六日敵軍
第一聯隊根據敵前司令乃木希典命令向北轉進在
二台子西山坡出現我軍馬隊向其第一大隊四中隊
射擊敵人急轉退入山谷中其第二大隊在高坡右側

擊射我軍為避免敵人夾擊向西北退去敵軍於午前佔領十三里台子東南高地破頭山附近準備進攻防守陳家屯北方高地之楚軍後營營部與前右兩哨在上午十一時許看到敵人前進攻擊突然陣形混亂向北轉移營官林志才命向敵人開砲敵急避於山谷中當敵軍橫過金州大道時在夏家溝南高崖上之我軍砲隊開砲射擊砲落遠處擊中者少是日午刻破頭山陣地右翼發現敵軍營官林志才立刻報告徐總兵徐即調兩哨步兵增援並對志才說你營陣地不應減弱要注視敵人行動加強防禦敵人先頭部隊到破頭

文三

二十

山北對面高岡上左營營官傳令開砲敵軍散開陣形形成一綫高坡後面又出現敵人第二排散兵綫我軍左營四門砲不停射擊山峯上之砲營亦同時開火步營各哨用槍射擊打得非常激烈敵人潰原定支援東路防禦駐紮蘇家屯之淮軍一營兩哨步兵徐總兵再三催促趙始派來兩哨徐本擬用一營或更多兵力進入十三里台子南側高地紆迴敵人後背殲滅他們乃趙懷業只派兩哨兵來徐總兵計劃落空預防敵人兩向進展遂將兩哨淮兵派到十三里台子南岡配以三門大砲 總兵徐邦道在寒夜朔風中到陣地觀察從

十三里台子北越乾家屯經過崎嶇邱嶺東到劉家店
一片燈光突現眼前邦道不覺吃驚感到金州難守在
後營了解一些情況之後返回闔家樓本營焦灼萬分
再函趙懷業請求援兵兩營又寄書連順囑其加強警
惕 五日早三時許留守在劉家店日軍第十五聯隊
第一大隊從劉家店西山坡向闔家店進發我軍以砲
火猛攻日軍傷亡甚多大隊長齋藤德明少佐令散入
夏家溝六時許日軍第一大隊一中隊進攻我軍後營
陣地我軍砲火猛向敵人射擊敵人倉惶退却其一中
隊長森川大尉說清軍兵火太猛山崖難攀士兵傷亡

文三

二十一

實多齋藤德明怒罵令其集合隊伍再攻如不克以死
來見齋藤又令第二中隊信號旗手傳令示意砲兵射
擊北方高處清軍陣地再令第二中隊增援第一中隊
第三第四兩中隊為第二線同時進行總攻擊 我軍
後營前右兩哨毫無傷亡擊退敵人在第一次進^攻之後
立時修整胸牆準備再戰營官林志才傳令嘉將砲隊
與前右兩哨步隊兵勇得到鼓勵之下精神煥發老砲
手牟道良^{河北}素稱勇敢激戰中右腿受傷血流如注
却不顧性命奪槍殺敵此時防守背陰寨西方高地隊
伍從西坡退到陳家屯東山岡與此岡後營互相犄角

拒敵進攻敵人向胸牆衝擊退而復上最後我軍跳出
胸牆用刀矛搏鬪卒道良帶傷交鋒刺敵數人終因右
腿流血過多昏迷於血泊中而死敵人第二綫兵猛撲
來攻我軍寡不敵衆彈藥缺乏營官命留前哨兩隊掩
獲餘隊退至閻家樓附近 敵軍在東綫向我軍右翼
發動進攻時其西綫第一聯隊第一大隊分兩路向西
方高地攻擊淮軍兩哨兵僅放數槍即離陣地逃奔三
門大砲不及撤下委棄資敵 敵軍第一大隊侵佔十
三里台子南方高地後其第二大隊開始攻破頭山我
軍砲火槍聲異常激烈敵人猛攻不下敵將乃木希典

文三

二十三

將預備隊^{第三大隊}投入戰鬥中其第一大隊又從西側上
攻我軍在敵人三面包圍之中兵力逐漸減少仍行奮
鬪營官以為如此堅持恐遭殲滅遂從右側退下到三
里莊子與各營集合 總兵徐邦道渴望一夜不見懷
業援兵又無音信晨起砲聲隆隆感到大勢已去於是
命副官燒燬重要卷宗準備遷營奔向金州大道途中
又命騎隊在三里莊子等候各隊退下後帶至蘇家屯
候令連順聞楚軍撤退亦奔旅順行至雙台溝遇水師
營佐領韓興杲帶領旗兵四百人手持弓箭馳援金州
城連順云金州已失教他們解散去連順到旅順參加

楚軍戰事同知談廣慶逃往城北老虎山

金州城危在旦夕之際營官榮安帶馬隊出東門伏伺楊樹林中監視敵人動靜等候抄襲機會哨官帶領一隊從西門出到南山下截殺敵人 攻擊金州城之日

軍是其第二軍步兵第二團團長西寬二郎少將當其第一大隊攻擊破頭山陣地時第二旅團第二聯隊第

七大隊已從十三里台子出發奔九里莊子當日陰曆十月

九日陽曆十一月六日午前到崔家屯其本隊設在七里莊子南

崗第一旅團第十五聯隊在金州城東肖金山布陣架砲第一聯隊從三里莊子列隊向城東進行此時雙方

文三

二十三

砲火激烈對射 城內步隊看到小股敵人出現在西

崔家屯向前移動營官命令出城迎擊剛出城見東西北

三面全是敵兵立即轉回同時兩支馬隊亦退回緊閉

城門九時半軍號齊鳴敵人開始總攻擊砲彈槍子如

雨從東北向城內傾注城西北角塌下大半城內房屋

有燃火者男婦自縊者投井者到處奔竄不得出城者

敵人向城上架梯攀登旋將北門炸燬一擁而進路上

遇有難民不分男女老幼槍擊刀斫直殺至西門外始

止我軍一哨兵勇退下城垣向敵人搏鬪僅有十四名

殘傷被俘外餘皆壯烈犧牲十一時許敵將山地元治

乃木希典相繼入城收拾屍體在東街列隊歡迎其大將大山巖進城閱兵十一月七日陰曆十月十日敵人分兵三路進入大連灣駐軍統領趙懷業已於金州失守前夕逃往旅順各砲台守兵隨之潰散大連灣是由世界最新式之大砲武裝起來各砲台之防備以和尚島三面砲台最稱完備平時有兩營兵看守今則懷業一砲未放即將港灣拱手送人並將歷年儲藏之海岸砲陸軍砲一百二十多門大小砲彈二百四十六萬數千萬德造與自造槍六百八十枝槍彈三千三百八十一萬數千發以及許多馬匹各種軍需全部委棄資敵土人

文三

二十四

呼為趙不打日軍駐大連灣十日於十一月十八日開始進攻旅順口負責指揮旅順各軍營務處道員龔照與貪鄙庸劣曾經逃往烟台轉赴天津被李鴻章斥責返回旅順是日再乘魚雷艇潛逃北洋艦隊早已退至威海衛只剩八艘魚雷艇隨照與之後逃往威海此時駐旅順六將領毅軍統領姜桂題淮軍統領程允和張光前衛汝成黃仕林楚軍總兵徐道邦共有新舊軍一萬五千餘人自照與逃後軍心渙散各將領不積極設法佈置後防之南關嶺每日控制許多漁船搬運餉銀財富作逃跑計士兵槍掠倉庫秩序紊亂已極只有總兵徐邦道紀律嚴明率領殘軍北行

抗敵屢請增兵臨時主軍姜桂題允發槍彈不予增兵
二十日徐總兵率領軍隊在旅順雙台溝北信台子戰
鬪終日兩度截殺敵人四百餘名戮其軍官一予敵人
以重創但敵軍不斷增援徐軍衆寡懸殊兵馬飢疲日
暮退回旅順 二十一日陰曆十月二十四日敵軍趁夜進軍是
日黎明逼近東西兩雞冠山徐邦道姜桂題程允和張
光前率兵擊敵戰至午後四時不見黃仕林衛汝成兵
來接仗蓋黃衛兩人已與趙懷業等於四將出兵後乘
民船潛逃矣日海軍尋至以砲火攻岸我陸軍潰海岸
砲台守軍亦潰全軍大亂旅順失陷殘暴敵軍進旅順

文三

二十五

夜風雨大作其第一軍團長山地元治下令屠殺市民
無論男婦老幼沿戶搜殺歷三晝夜殺至水師營始止
全市人民慘遭屠戮者兩萬餘人逃免者無幾

詳見甲午中日

戰爭旅順屠殺事實

僅留三十六人掩埋同胞屍體帽上寫此人

不可殺字樣方免於戮敵軍滅絕人理舉世為之震怒
當敵人進攻金州城時提督宋慶將摩天嶺防務交與
聶士成率馬玉崑劉盛休等軍援遼東乃旅順失守前
夕宋軍始至安營於金州城西北田家房身鄉人簞食
壺漿以迎王師宋令夾城而攻龔統領率軍攻至城西
門外玉皇廟劉朝泰軍攻至城東門外及聞旅順失守

而知城不可破遂與旅順沖出之銳兵徐邦道張光前
諸殘軍退回蓋州聞邦道由旅順沖出時被敵兵包圍
邦道在馬上以足踢倒數人拔刀斫之敵兵驚散得以
沖出 按旅順口與威海衛為控制渤海之門戶而旅
順口形勢尤險要港灣曲折水深二丈餘是世界馳名
之優良軍港自光緒六年冬公元一八八零年李鴻章建設旅
順港築黃金山砲台成為北洋海軍根據地歷十四寒
暑化費幾千萬鉅款建築一座巨大船塢海港砲台十
三座大砲七十一門絕大多數購自德國克虜伯廠製
造之十二生到二十四生大砲陸路砲台一百七十座

文三

二十六

有大砲和機關槍七十八門與旅順口相倚之大連灣
港砲台有海港五座陸路砲台一座大砲三十八門其中二十
四門是克虜伯廠最新式大砲兩港海防設備稱為固
若金湯駐軍宋慶劉盛休雖相繼調往摩天嶺却又補
充許多新軍布防旅順大連灣金州一帶陸軍有三十
多營近兩萬人就防守說兵力不算單薄但是清廷政
治腐敗軍無統帥兵乏訓練敵至即潰一蹶不復振矣
旅順防禦工事由德國陸軍軍官漢納根一手設計有
前砲台無後砲台只能顧及海面不能兼及後路敵人
深知從正面難以得手所以在花園口登陸從背後抄

龍旅大是役也為中日兩國強弱隆替之關鍵戰爭初起我海軍不扼仁川陸軍不入漢城僅駐牙山自為犄角將險要之地讓於敵人陷於被動地位始終坐待敵攻制於人而不能制人此兵家之所深忌外交上則專恃外國公使從中調停日人野心勃勃利害攸關豈肯空言輕退而清軍各將其將各軍其軍甚有紀律未諳者器械不備者臨敵恐懼者統兵觀望者剋扣軍餉而不顧大局者以此將才前臨勁敵烏得不敗聞敵軍進窺平壤之時道路險惡軍士艱辛酷暑烈日癘疫流行軍中所齎除區區乾餼之外僅以一匙之鹽供數日飲

料我軍若曉兵機出奇迎敵之可獲全勝藉曰不勝而平壤亦大可守也當敵將野津由三道合攻時不幸左寶貴陣前戰歿而衛汝貴率全營遁逃葉志超懸白旗罷戰兩將怯弱遺譏後世平壤失守後清廷遂無可用之師矣淮軍奉軍久歷戎行敵人頗憚其威名戰勝之後其將猶自謂始願所不及也清廷海軍倍於日本乃將校驕淫結黨以脅其帥丁汝昌非習海軍不足統馭平時訓練不力士卒游惰成性臨戰不能調度方伯謙輩遇敵先遁管帶鄧世昌壯烈殉職一戰而海軍燬焉旅順威海皆天險經營歷年敵至委之以去其後日俄

之戰殞士卒十六萬攻七閱月僅乃克之而是役失旅
順僅數日威海又相繼陷汝昌雖以身殉論者猶或非
之葉志超非將才以便倭致統帥屯師平壤飾敗為勝
諸軍雲集遼東散漫無紀予敵人以長驅之勢割地求
和喪權辱國至今思之猶令人痛惜戰後日人囂於俄
德法三國之威忍辱還我遼東俄德法三國干涉日本
還我遼東日相陸奧宗
光曰對於三國縱令最后不能不完全讓步然封中國
則一步不讓本此方針以一直線進行為目下之急務
伊藤博文亦以為然日本外交手腕資中國賠款以興
老辣於此可見矣
百政培力既厚遂有報俄之役三國迫日本歸還遼東
責報殊奢而清廷復乖於應付於是俄佔旅大英據威

文三

二十八

海德取膠州灣法侵廣州灣以互相牽制均權之說昌
中國幾不國矣

金州副都統幕王君死難記

光緒甲午中日因朝鮮啓釁北洋大臣李鴻章派提督
葉志超統淮軍駐平壤敵至欲遁總兵左寶貴獨挺身
奮戰陣亡失平壤水師提督丁汝昌率艦隊戰於大東
溝致遠管帶鄧世昌壯烈犧牲濟遠管帶方伯謙逃旅
順營務處督辦龔照瑛逃烟台我師水陸併失利是年
十月二十四日倭軍萬餘人於金州城東貔子窩花園
園登陸叢旅順後路金州副都統連順有馬步兩營僅

旗兵洋槍隊二百人抬槍隊百人由營官榮安帶領遙受盛京將軍裕祿節制正定總兵徐邦道率楚軍馬步三營赴援平壤過金州聞平壤已失留金堵禦見倭軍來勢洶湧恐力不敵亟赴大連灣見淮軍統領趙懷業言都護兵單不足拒敵一旦金州失守旅順難保吾等宜合力助之以保金州懷業謂我奉李中堂命守大連灣砲台戰非我責連順亦親見趙請兵趙堅拒如前趙有砲步馬隊六營多新式槍彈惑於漢奸鄭永昌冀保生命貲產約以不打媚敵土人遂以趙不打呼之倭軍逼近劉家店我軍所埋地雷藥不犯火徐總兵屢次進

文三

二十九

攻衆寡不敵於是再赴大連灣乞趙借兵兩營趙不得已允以駐蘇屯^家之一營兩哨与之及接營僅兩哨步兵而已徐失所望連順知淮軍不可恃乃以書乞援於裕祿大意謂倭軍逼近局勢日緊徐總兵雖矢志殲寇而孤軍無援趙統領觀望程軍門未到將領意見不一金州恐難固守本擬電稟因電台在淮軍手不能託之故馳函懇陳速選主將指揮抗敵云云書交幕下王君馳送令榮安護送出境王君者佚其名及鄉里官職於十一月一日黎明向城東土城子出發奔至李家屯北山坡上遇敵軍偵探隊護送馬隊立即東轉意圖吸引敵

軍使王君得脫去不幸馬身中彈被虜敵軍押送至其
十五聯隊第一大隊隊長齋藤德明始用柔語誘之繼
以酷刑拷問王君堅不吐實後搜出文件知事敗義不
苟生大罵敵人頭觸石墻而死嗚呼王君無官守無軍
籍見危投命大節凜然足與左鄧諸公并傳矣今距其
死節六十八年當時以人微卹典不之及名字且湮沒
忠貞不揚邦人之責也故不揣僉荒將所聞之鄉老與
時人筆記者綜述之以示後焉

此記采
用陽曆

甲午戰爭旅順屠殺事實

清光緒二十年歲次甲午舊曆九月日本派其第二軍

文三

三十

司令陸軍大將大山巖率領海陸軍萬餘人由廣島出
發北渡大同江是月二十六日抵我莊河廳境花園口

登陸

花園口又名蝦老石距金州二百八
十里距貔子窩一百五十餘里

砲馬運岸歷

時頗長而我海陸軍無過問者日軍復餌我居民四人
登船詢悉地情方形並購其衣冠使諜者服之偵探我軍
虛實十月初抵貔子窩金州副都統連順聞警躬赴大
連灣乞援於淮軍統領趙懷業部將欲應戰懷業不允
斯時旅順駐軍有毅軍統領姜桂題程允和淮軍統領
張光前衛汝成黃仕林楚軍總兵徐邦道新舊軍共三
十餘營而將無統帥兵乏訓練徐邦道向營務處督辦

龔照璵言敵衆氣銳踏背而來金州副都統僅有守城
旗兵三百人不足拒敵一旦金州失守則旅順隨之與
其坐失戎機不如先發制人我宜速出師十五營擊敵
照璵以為然諸將畏蒞不肯前邦道慨然自率馬步三
營馳赴金州屢挫敵鋒終因淮軍違約兵無後援於十
月八日退回旅順詰旦金州城失守趙懷業將歷年建
築之大連灣砲台以及庫蓄軍械委敵而去日軍始料
所不及喜出望外在大連灣暢休十日然後西趨旅順
照璵聞風遁共推姜桂題主軍邦道請益兵以爭後路
桂題允濟槍械不予增兵邦道憤甚乃收拾殘兵於二

文三

三十一

十三日至三澗堡北信台子激戰終日殲敵四百餘人
戮其軍官一時已昏暮徐軍飢疲甚因金州之役喪其
行帳非回旅順不能謀得一飽諸將坐視不顧不得已
復退回旅順遂與諸將約明晨分東西兩防拒敵邦道
與桂題守東雞冠山尤和與光前守西雞冠山午間由
黃仕林衛汝成接仗逸換飲膳迨黎明四將率隊至陣
地時則日軍已迫山麓矣兩軍激戰甚烈戰至午後四
時人馬飢疲無人接仗蓋黃仕林等於四將行後即乘
民船携眷逃往烟台散兵搶掠銀庫後防為之騷擾日
海軍船隊尋至復以砲火猛轟勢不能支我軍相繼引

却冲圍北出旅順海陸要塞皆失日軍入市風雨大作
其第一軍團長陸軍中將山地元治下令屠殺市民不
論士農工商男女老幼沿戶搜殺甚至醫院之醫師護
士患者亦皆刃之破腹穿胸血流成渠歷三晝夜始止
兇暴殘忍舉世為之震怒英人胡蘭德博士著有中日
戰爭國際公法一書抨擊日軍之罪行全市^{人民}免於屠戮
者僅有逃在英國洋行院內之百餘人与和順戲園演
員八九十人及深夜由山徑逃出者四五百人而已十
一月初八日日軍令人將屍體各就近瘞於馬廐猪圈
之側翌春乙未二月陽氣發作腥穢四溢日軍又令居

文三

三十二

民鮑紹武組織扛屍隊將屍體抬至南山陽花溝以火
焚之當時除有家人領屍擇地安葬者千餘外被焚屍
體根據扛屍隊所記實為一萬八千三百餘骨灰以柳
木棺三口盛之叢葬於白玉山東麓樹以木榻題曰清
國兵戰亡碑以掩其惡是年三月俄德法三國逼日本
還我遼東九月日軍開始撤退十一月初六日毅軍提
督宋慶復駐軍旅順提調顧元勳重葺此墓築室三楹
垣圍一週刻石萬忠墓以奠幽靈惟碑陰記載只四十
一字光緒甲午十月日本敗盟旅順不守官兵商民男
婦被難者計一萬八百餘名口忠骸火化骨灰叢
葬於此於死難人數又不相符時過境遷不免傳聞失實

光緒二十四年丁酉冬俄人藉口德占膠州灣派艦隊到旅順口保護中國然海軍登岸殺人時有所聞翌春強租旅大毅軍奉命北移越七載甲辰正月日俄戰起日人復據旅大此墓墻垣頽圮屋漏穿明荒烟蔓草宰木無存民國十一年旅順市商會長陶雲山董事孟魁三等募資重修春秋致祭十六年倭署長伴東氏欲假駐軍威權拆毀之商會會長潘修海據理力爭始免陵夷光復後旅大地區復歸祖國版圖此墓祠宇煥然一新今距甲午死難之日已七十年追維往事淚首痛心吾民何辜罹此浩劫誠為近代史上一大慘案每覽中

文三

三十三

外記述略而不詳謹將疇昔聞諸耆舊者撮舉事實以告國人俾後之留地方史者有所徵焉此記采用陰曆

日俄關係之爆發

以下甲辰日俄戰爭

自甲午戰後日本甫置足於滿洲大陸即為俄國所領導之三國干涉阻回此為日俄關係之第一聲俄國之外交政策原有東進西進之別蓋俄羅斯在地理上橫跨歐亞兩洲沿黑海西進可爭雄長於歐洲沿西伯利亞東進則馳騁於東亞德國入加入三國干涉役全面論固為不智而威廉二世之用意在引俄國外交東進以殺滅其西進之力果也俄國自此一意經營東方首

築中東鐵路繼租旅大嗣乘庚子之變占領東三省其野心之膨脹實無論匹雖因各國之壓力未能獨占東三省與中國締結交收東三省條約然卒不遵約撤兵另提無理要求仍謀獨櫻滿洲其暴戾恣睢直為世界側目在日本方面自受干涉退還遼東以來以十年之忍耐至此羽毛已豐已有對俄一戰之力且英日同盟成立足為俄法同盟之牽制不懼法國之助俄又兼俄國跋扈賈怨世界公論均不直俄日本乃一面備戰一面對俄提出滿韓問題之總交涉俄國方面尼古拉斯二世昏庸疏狂有侵略慾無應變才直一亡國之君文

文三

三十四

武諸臣互相水火既不知日本之決心又復自相欺蒙當日俄交涉已瀕破裂尼古拉斯尚優游國外其無軍事準備可知迨日本之最後通牒一到倉促應戰日俄關係於以爆發發語云多行不義必自斃帝俄之覆敗不待著卜然昔日之帝俄即今日之日本也覆轍相尋不禁感慨係之矣

見六十年來中國與日本

中國宣告中立

俄國之舉動既激動國際公憤日本乃捉住此機會對俄提出直接交涉日外務大臣小村壽太郎於西曆七月二十八日（中曆六月初五日）電訓日本駐俄公

使栗野慎一郎向俄外相拉姆斯獨夫提出談判於一
九零四年一月六日談判決裂二月五日（即光緒二
十九年十二月二十日）日本外務大臣小村壽太郎
電令駐俄公使栗野對俄國政府致最後之通牒於二
月十日（中曆十二月二十五日）日皇下詔宣戰俄
皇亦下詔宣戰中國宣告中立各國先後宣告中立中
國亦於十二月二十七日（西曆二月十二日）宣告
中立上諭曰現在日俄兩國失和用兵朝廷軫念彼此
均係友邦應按局外中立之例辦理著各直省將軍督
撫通飭所屬文武並曉諭軍民人等一體欽遵以固邦

文三

三十五

交而重大局勿得疏悞將此通諭知之欽此
戰事區域之劃定

中國雖守中立而戰場却在中國領土之內此矛盾之
悲劇也除吉黑兩省全為俄人占據外奉天之大半亦
在俄國掌握之中故中國領布條規有所謂局外境之
字樣然則局內境究在何地吉黑兩省事實上全為戰
區奉天交涉局更議定兩國戰地及中立地條章劃定
兩國在奉天之戰地其餘規曰 一日俄兩國倘在奉
省地面開仗擬即指定戰地兩國開戰及駐紮之軍隊
只能在戰地限內不得逾指定戰地界限之外

一西自蓋平縣所屬之熊岳城中間所歷之黑峪龍潭
洪家堡老嶺一面山沙裏塞雙廟子以東至安東縣界
街止由東至西所歷以上各地名分為南北界限界限
以南至海止其中之金州復州熊岳三城及安東縣街
為指定戰地抑或西自海岸起東至鴨綠江止南自海
岸起北行至五十里止為指定戰爭地兩國開戰後凡
戰地縣內之村屯城鎮人民財產不免衝突倘有損失
照公法應由戰敗國認賠如有無故殺傷人民燒燬房
屋搶掠財物何國所行之事應由何國賠認兩國開戰
我既守局外所有界限以北之城市應由我自行派兵

文三

三十六

防守兩國軍隊不得衝突其在界限以南即指定戰地
內之金州復州熊岳安東各城鎮向有華官處所仍當
由我派兵保守堅壁清野以衛民生而清界限

一兩國未經開戰之前所有戰地限內安東復州熊岳
各村屯向有之巡捕隊仍照舊駐紮兩國不得阻攔並
不得收我軍械如兩國定期開戰以上各巡捕隊均行
調回各該城內駐紮至省城外地面兵少亦當酌調一二
營彈壓以免驚擾俄人亦不得阻攔收我軍械

一我既守局外兩國開戰以前開戰以後均不得招募
華民匪類充當軍隊 一如有匪徒竊發在戰地限外

者歸華隊剿捕其在戰地限內者與何國兵隊相近即由何國剿捕惟均不得越界以免別滋事端 一兩國如已訂定開戰須將日期及在何處開戰預先知照華民出示曉諭俾人^民知避免遭兵禍 一兩國開釁無論勝負軍隊俱不得衝突竄入指定戰地界限以外之地如有侵及界限外之地殺傷人民燒燬房屋槍掠財物及一切損失應由越限之國認賠其戰敗之軍隊及受傷人等無論行抵何處我既局外一概不能收留 一此次所指定戰地限內之地但供兩國戰時之用如勝負已分軍事已竣所有指定戰地兩國兵隊均各隨

又三

三十七

時退出不得佔據 一兩國宣戰以後所有指定戰地限內除日俄兩國外其餘無論何國兵隊不得任意攔入並屆時無論何國官民一切人等如欲赴指定戰地限內地方者均應照章向華官請領護照及向沿途華官呈驗方准前往其不應前往之人仍由華官查禁（見日俄戰紀第一編四七頁）

日俄兩軍陸戰

日方自二月六日對俄致送最後通牒其聯合艦隊司令東鄉平八郎即率艦隊出發^日俄艦於旅順口外敗之翌日其所分遣之艦隊又敗俄艦於仁川日本之陸

軍遂得穩渡朝鮮

俄方之調度則較遲宣戰後七日始以馬加羅夫為遠東艦隊總司令宣戰後十一日以克魯巴特金為遠東軍司令馬加羅夫以三月一日至旅順克魯巴特金以四月十一日至營口皆在戰事已殷殷之際其未到時以遠東大總督阿萊克塞夫及遠東第一軍團司令李尼維支代之俄方之行動雖稍遲然俄兵久據三省又將交涉將破裂時已有調動當時俄軍之在南滿洲者約達四萬餘而日軍之至朝鮮也極速成日據朝鮮俄據滿洲之戰局朝鮮與我接界處為義州義州之

文三

三十八

對岸為安東以兵事論鴨綠江左岸之形勢當推九連城鳳凰城次之日軍既破俄艦其艦隊乃護送第十二師團於仁川登岸三月十一日達平壤二十八日據定州四月四日進至義州而其近衛師團及第二師團亦先一日達義州於是三師團為第一軍大將黑木為楨統之以向遼東俄兵主力集於九連城左翼在水口鎮右翼在安東之東南日兵夾鴨綠江与之相持二十九日夜日兵造橋渡江俄兵力戰不能禦五月一日九連城遂陷日軍乘勝向鳳凰城是為日俄陸戰第一次大戰俄人所據奉天之要地北遼陽而南旅順日方

於第一軍渡鴨綠江時復由大將奧保鞏率第一二四師團為第二軍以五月五日於魏子窩登岸乃分軍為二一守魏子窩普蘭店以拒俄之遼陽援軍一攻金州金州者旅順之後蔽也八日日皇又令伏見宮貞愛親王為第一師團長率同第二軍將兵由金州城東杏樹屯南海岸猴兜石上陸住在民宅兩日始行猴兜石又名益大澳在普蘭店境內卧鹿屯會二十六日夜半日軍逼金州城下會暴風雨日軍乘機猛進炸燬東南二門金州陷繼占柳樹屯青泥窪等處旅順之後路乃絕時克魯巴特金駐奉天以旅順形勢危急俄皇電令赴

文三

三十九

援克魯巴特金不願浪戰集大兵於得利寺揚言二十萬以懾日人日方恐曠日持久俄兵集者漸多則旅順不拔金州且危奧保鞏乃留第一師團守金州率第二第四兩師團逆擊俄兵於得利寺以六月十五日破之日兵乃沿鐵路北向相繼陷熊岳蓋平克魯巴特金憲遼陽有失乃留兵大石橋而自還遼陽日人既決取遼瀋旅順乃使乃木希典組第三軍以攻旅順奧保鞏專攻遼陽奧保鞏之兵以七月中旬進攻大石橋俄人禦之甚力不得進二十四日冒死苦戰克俄堅壘俄兵乃退大石橋既失海城營口牛莊皆不能守自此俄兵

無南下之望旅順之援遂絕 當日本第二軍自貔子窩登岸也第一軍亦向西北進五月六日陷鳳凰城明日下寬甸乘勢以向摩天嶺七月七日克之八月一日占本溪湖遼陽咫尺矣 初日人憲第一二軍聲援不接別遣野津道貫率第十師團由大孤山登岸以為策應後編為第四軍以六月八日克岫巖與第一軍聯絡遂向分水嶺前進其地為遼陽海城之側面俄人以三月之功築成要塞守以重兵二十七日日兵力戰克之七月十三日陷木城於是二四三軍皆逼近遼陽矣日方乃以大山巖為滿洲軍總司令兒玉源太郎為總

文三

四十

參謀自是諸軍之指揮較遙制於東京大本營尤為機捷兒玉畫策以第一軍為右翼出遼陽東北第四軍為左翼出其西北以第二軍為正鋒三路齊進俄人亦全力以禦日兵分途苦戰至九月三日陷駐蹕山翌日遼陽遂陷是役也日兵死傷達萬七千餘人實開戰以來所未有也 日軍至此雖連戰連捷然並未摧毀敵人之主力蓋至是西伯利亞鐵路尚未竣工軍用不甚便捷遼陽既陷西方精銳始集力於東方其數達九師團俄皇既於九月七日下午更不得後退之命克魯巴特金部署諸軍以第一四五軍團使名將塞爾巴夫統之以

攻遼陽列威士統第二軍團出遼陽東南以斷日軍歸路以第三軍團為總預備隊以資策應蓋欲一舉而敗日人也以十月二日下令總攻日方亦分兵迎之鏖戰經旬日軍始漸得手俄兵卒不得前退守渾河北岸是役也日兵死傷又萬五千餘人俄兵死者達四萬之眾然克魯巴特金固良將也其在遼陽度勢不能守則下令進攻於攻勢中退却故秩序嚴整實力猶在是時日軍已疲憊且天寒不利進攻乃夾渾河休軍而於其間以全力攻下旅順克魯特金於此時特出奇兵命新到之騎兵團犯遼西中立地以攻牛莊營口日人出不意

文三

四十一

狼狽甚旋得援軍拒却之克魯巴特金復以兵八萬齎日本第一軍敗之於黑臺溝日人合第二三八師團往援乃復其地是役殊苦戰兩方死傷各以萬計然俄兵至者益眾日本亦向本國調兵一九零五年二月初旬（光緒三十一年正月）新軍陸續至兩軍復大戰是時俄兵眾四十萬日本亦三十餘萬戰地互數十里罕有之大戰也日軍以第五軍於二月十九日向撫順進攻以拊奉天之背克魯巴特金悞為日軍主力所在悉銳禦之於是日方以第一軍渡沙河東北趨以為第五軍之援二四兩軍同時向正面進攻別遣第三軍出俄

軍之西北俄方與日正面之軍相持凡十日勝負不絕
第五軍亦為俄所拒而出西北之軍則為俄人所不及
料三月一日陷新民繞出俄軍之後八日斷奉天以北
之鐵路俄方至此知全軍形勢已陷日軍包圍之中不
得已下令退却日正面之軍乘機猛進以三月十日陷
奉天其出東北面之軍於先五日陷旅順是役日軍死
傷四萬餘俄軍死二萬餘傷逾十萬於是俄軍形勢大
壞克魯巴特金辭職李尼維支代之整理敗兵日軍乘
機進據開原鐵嶺俄軍一時不能再戰日軍亦無力再
進兩軍之陸戰於焉告終

文三

四十二

日俄兩軍海戰

日俄兩軍之艦隊勢力相等開戰之先俄艦雖受創於
旅順仁川然關係甚微旅順又為天險日艦欲期必勝
殊無把握東鄉平八郎乃次行封鎖旅順之策謀銅俄
艦於港內以保日軍海上之安全二月二十四日公曆一九
零四年以閉塞艦五艘決死將卒七十九人乘夜前進自
行破壞沈沒於港口決死隊死一人傷三人然以方向
之悞港口未能全鎖俄艦仍得自由出入三月二十七
日再以艦四艘前往封鎖距港二海里俄人始知之發見
猛攻日艦冒險入港爆炸自沈日兵死四人傷九人其

指揮官中佐廣瀨武夫中砲惟餘片肉如錢大在艦內
全身悉飛入海死事最烈日人尊為軍神為鑄銅像焉
然閉塞之目的仍未全達

當戰事緊急時俄遠東總督阿萊克塞夫自駐旅順禁
艦隊出港擊敵故日艦在海上非常自由及馬加羅夫
奉命為艦隊司令精神一振每日出港巡弋以與日艦
爭雄海上日艦隊於四月十二日深夜在旅順口外佈
電機小雷無數翌晨使巡洋數艘出殲旅順附近以誘
俄艦馬加羅夫果率艦隊出港追逐與東鄉所率艦隊
相遇始回駛歸港重經佈置設水雷之海面水雷爆發

文三

四十三

其旗艦被炸沈沒馬加羅夫及艦員六百人均及於難
自此俄艦復取退守政策不復於港外活動矣日人對
旅順自第一次閉塞起至四月底止前後九次進攻卒
無大功五月三日復行第三次閉塞凡閉塞艦八入港
沈沒者五沈於港口者一又二艦則一觸水雷一損桅
機皆未抵港而沈是役也俄軍防禦甚嚴大砲猛攻於
上水雷爆發於四週日艦實處至危之境又適遇大風
日軍死傷甚多決死隊無一生還者然閉塞之目的則
以此而達吃水較深之戰艦不能自由出入矣 閉塞
之目的既達日艦乃從事掃除海中之水雷(此行重複)是時陸路

之目的既達日艦乃從事掃除海中之水雷是時陸路方面金州已陷乃木希典率第一九十三師團第三軍以攻旅順艦隊則泊於港外以防俄艦之逸出俄艦準備出港突擊日本艦隊為日方偵悉紛調艦隊以備迎戰六月二十一日日艦隊出發於港外俄方撥動預埋之水雷導綫欲炸日艦而影響全無蓋所埋水雷已被日方先期掃除矣是晚雙方魚雷艇在港外互轟經夜不息翌日侵晨俄艦隊出港日方早有準備迎頭開到俄艦料勢不敵退回港中堅守不出矣

陸軍方面日軍以六月十六日占歪頭山及劍山轉戰

文三

四十四

而前至七月十三日距旅順僅十餘里俄人知因守非計八月十日俄戰艦六装甲巡洋艦一巡洋艦四馳逐艦八相衝出旅順日艦遮其路而邀擊之萃全力以攻其主力艦俄艦敗遁還港內者半散走庫頁烟台膠州上海西貢者亦半於是旅順艦隊零落不能成軍矣當旅順被圍時海參崴艦隊出沒海上避實擊虛頗為日人之患日艦屢往攻皆無功受創八月十四日兩方艦隊相遇於蔚山奮戰結果俄艦被毀者四海參崴艦隊自受此創不復能出日艦遂縱橫海上而無阻矣

旅順自此已陷絕境然地險兵精仍有負隅之勢自八

下旬迄十月下旬兩月之間日軍凡行總攻擊三次均無功士卒死傷衆多續調援兵作第四次總攻擊至十二月十五日占二零三高地可俯擊港內殘艦艦隊亦發砲助之以攻陸路十八日占東雞冠山二十日占二龍山三十一日占松樹山一月一日占望山砲台自此攻擊旅順之背面俄人知不能守乃降凡將校八百七十八人士卒二萬三千四百九十一人悉為俘虜戰利品無算此軍港遂落日人之手 俄國旅順海參崴艦隊既相繼殲滅俄皇下令以波羅地海艦隊為第二太平洋艦隊艦凡四十七中將羅哲斯特溫斯基率之以

文三

四十五

二月十一日自波羅的海出發黑海艦隊以受英牽掣未得參與戰事及旅順既陷俄人以波羅的海餘艦為第三太平洋艦隊以二月十七日東航兩次艦隊皆以蘇彝士運河為英人掌握恐遭妨碍乃繞好望角而東集中於法領之馬達加斯喀第二艦隊過麻六甲海峽以四月十八日入西貢灣日本向法嚴重抗議法人促俄艦退出俄艦不得已他避第三艦隊亦与之合乃遊弋黃海謀入海參崴日將東鄉平八郎知俄艦必自對馬峽而北先設伏以待之五月二十七日俄戰艦八巡洋艦五海防艦五驅逐艦九裝甲巡洋艦及特務船等果

相銜至日人以戰艦五巡洋艦十八海防艦一驅逐艦
二十魚雷艇六十七要而擊之接戰未及半時俄艦凌
亂日方又集主力艦乘夜攻之俄軍大敗羅哲斯特溫
斯基等降是役俄戰艦沈者六被俘者二巡洋艦沈者
四道者二海防艦沈者四被俘者一驅逐艦沈者五被
俘者一道者三日僅失水雷艦三耳在此時期日軍更
將庫頁島占領波羅的海艦隊既殘俄人乃無意再戰
日人亦甚惴惴於對馬之一戰蓋是時日本可調發之
陸軍已竭而俄國陸軍方沿西伯利亞鐵路陸續東集
設使此次海戰不能全勝則最後之勝負尚難預測也

文三

四十六

議和之聲乃乘之以起

日俄樸資茅斯會議

公元一九零五年

日本明治三十八年

八月二十三日在樸資茅

斯開日俄和約會議內中什九皆牽涉中國問題中國
久受俄人凌虐故當日俄戰爭期中一般皆懷兄弟急
難之義雖云中立在精神上及物資上均為日本之助
迨戰局既定和議已開清廷始知日本志不在小將有
以暴易暴之懼因有牽涉中國事件未經與中國商定
者概不承認之聲明然空言聲明外交上毫無所盡力
樸資茅斯會議之處分滿洲自若也

一九零五年八月
日俄樸資茅斯會

議後在同年十二月二十三日（光緒三十一年十一月十一日）
月二十六日（成）中日北京條約即日本在東三省
取得所謂特權之關鍵數十年來之中日糾紛
此其重要樞紐（見光緒條約第九十五頁）

旅大文獻徵存卷三

文三

四十七

